

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE



БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

PREDSTAVNIČKI/ZASTUPNIČKI DOM

ПРЕДСТАВНИЧКИ ДОМ

Šerif Špago
zastupnik

Sarajevo, 27.10.2023. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-10-2023			
Organizaciona jedinica	Klasifikaciona oznaka	Redni broj	Broj priloga
01	50-1	2249/23	

KOLEGIJU PREDSTAVNIČKOG DOMA
PARLAMENTARNE SKUPŠTINE BiH

n/r članovima Kolegija

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH". br: 79/14, 81/15 i 97/15, 78/19, 26/20, 53/22 i 59/23), podnosim poslaničku

INICIJATIVU

kojom se zadužuje Vijeće ministara Bosne i Hercegovine da uz konsultacije sa Centralnom izbornom komisijom Bosne i Hercegovine u roku od 30 (trideset) dana pripremi i dostavi Parlamentarnoj skupštini Bosne i Hercegovine po hitnom postupku Prijedlog Zakona o izmjenama i dopunama Izbornog zakona Bosne i Hercegovine, radi normiranja uvođenja novih savremenih tehnologija u izborni proces u Bosni i Hercegovini.

Obrazloženje

U dosadašnjoj praksi primjene Izbornog zakona BiH kao jedan od problema koji se javio je sporost u brojanju glasova i kašnjenje u objavljivanju istih, s obzirom da su članovi biračkih odbora na biračkim mjestima ručno prebrojavali glasove i unosili podatke u obrasce, a takav način rada stvara i rizik od manipulacija razne vrste.

Da bi se obezbjedilo puni integritet izbornog procesa i osiguralo da izbori proteknu zakonito i transparentno odnosno da bi se spriječile uočene manipulacije i nepravilnosti u izbornom procesu, koje su dovodile u sumnju stvarno iskazanu volju birača prilikom glasanja na izborima, potrebno je stvoriti uslove za otklanjanje uočenih nepravilnosti, uvođenjem novih savremenih tehnologija u

izborni proces odnosno elektronsku identifikaciju glasača putem uređaja za skeniranje lične karte glasača, otisak prsta glasača na biračkom mjestu, skeniranje glasačkih listića odnosno digitalizaciju svih faza izbornog procesa.

Na taj način, birač bi na samom biračkom mjestu bio identifikovan na dva načina i spriječile bi se manipulacije u vidu tzv. bugarskog voza, a skeniranjem glasačkih listića nakon izvršenog glasanja, glasovi bi automatski bili registrovani i na taj način bi se otklonile greške prilikom ručnog brojanja glasačkih listića, spriječile bi se potencijalne manipulacije članova biračkih odbora prilikom ručnog prebrojavanja i upisivanja rezultata glasanja u obrasce, a istovremeno omogućila znatno brža objava rezultata glasanja za sve nivoe vlasti odnosno već nekoliko sati nakon zatvaranja biračkih mjesta.

Za uvođenje novi tehnoloških rješenja u oblasti digitalizacije izbornog procesa pored toga što su neophodna značajna finansijska sredstva, obučeni kadrovi u oblasti IT tehnologija i obuka izborne administracije, potrebna su nova zakonska rješenja.

Dakle, za uvođenje novih savremenih tehnologija u izborni proces, a što bi podrazumijevalo da se na biračkim mjestima instaliraju uređaji za autentifikaciju birača putem otiska prsta i skeniranja lične karte, uređaji za skeniranje glasačkih listića, te softver koji bi omogućio brzi transfer rezultata sa biračkog mjesta do opštinske/gradske izborne komisije, pa do Centralne izborne komisije BiH, neophodna pretpostavka su izmjene i dopune Izbornog zakona BiH, a kasnije i podzakonskih akata.

Prethodno navedeno smatramo opravdanim razlogom za podnošenje inicijative za donošenje izmjena i dopuna Izbornog zakona BiH po hitnom postupku, kako bi se na vrijeme usvojile neophodne izmjene i dopune Izbornog zakona BiH, kao i izvršile sve druge neophodne aktivnosti na uvođenju novih tehnologija, a naredni Lokalni izbori 2024. godine, proveli uz korištenje novih tehnologija.

Tražim da se ova Inicijativa uvrsti u dnevni red 12. Sjednice Predstavničkog doma Parlamentarne skupštine Bosne i Hercegovine zakazane za 31.10.2023. godine po hitnom postupku.

ZASTUPNIK

Serif Spago